

შესყიდვის ელექტრონული პროცედურა



სს „კახეთის ენერგოდისტრიბუცია“

სადენების შესყიდვის

ელექტრონული პროცედურის დოკუმენტაცია

წინამდებარე დოკუმენტაცია შედგენილია 2015 წლის 30 დეკემბრის N657 დადგენილებით დამტკიცებული სს „კახეთის ენერგოდისტრიბუციისათვის“ საქონლისა და მომსახურების შესყიდვების სპეციალური წესის“ საფუძველზე.

ქ. თელავი

2016 წ.

1. ინსტრუქცია შესყიდვის ელ. პროცედურაში მონაწილეთათვის

- 1.1 შესყიდვის ელექტრონული პროცედურის საშუალებით შესყიდვა ტარდება სახელმწიფო შესყიდვების ერთიანი ელექტრონული სისტემის (შემდგომში - სისტემა) მეშვეობით.
- 1.2 სისტემაში შესყიდვის პროცედურები ხორციელდება 2015 წლის 30 დეკემბრის N657 დადგენილებით დამტკიცებული სს „კახეთის ენერგოდისტრიბუციისათვის“ საქონლისა და მომსახურების შესყიდვების სპეციალური წესის“ შესაბამისად. **იხ. თანდართული წესი.**
- 1.3 შესყიდვის ელექტრონულ პროცედურასთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი.
- 1.4 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს შესყიდვების კომისია.
- 1.5 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ასეთის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).
- 1.6 ხელშეკრულების ფორმა და პირობები განისაზღვრება ელექტრონული პროცედურის დოკუმენტაციის შესაბამისად და ხელშეკრულების დადების მომენტისათვის.
- 1.7 ელექტრონული პროცედურის ჩატარების შესახებ განცხადებით ან/და დოკუმენტაციით მოთხოვნილი ინფორმაციის არასრულად წარმოდგენის ან ისეთი წინადადების წარმოდგენის შემთხვევაში, რომელიც არ პასუხობს ელექტრონული პროცედურის ჩატარების შესახებ განცხადების ან/და დოკუმენტაციის ყველა მოთხოვნას, შესაძლებელია გამოიწვიოს ელექტრონულ პროცედურაში მონაწილე პრეტენდენტის დისკვალიფიკაცია.
- 1.8 ნებისმიერ მიმწოდებელს უფლება აქვს სისტემის მოდულის – „კითხვა/პასუხის“ მეშვეობით მოსთხოვოს შემსყიდველ ორგანიზაციას შესყიდვის ელექტრონული პროცედურის დოკუმენტაციის დაზუსტება.
- 1.9 დამატებითი ინფორმაციის და შესყიდვის პროცედურების შესახებ განმარტებების მისაღებად, მიმართეთ კომისიის აპარატის წევრებს: ლევან ბასილაური 551111160, ნათია მეგრელიშვილი 595351599.

2. ტექნიკური დოკუმენტაცია

2.1 შესყიდვის ობიექტი

2.1.1 შესყიდვის ობიექტს წარმოადგენს - შესყიდვის ელექტრონული პროცედურის საშუალებით დანართი N1-ით განსაზღვრული საქონლის შესყიდვა.

2.1.2 შესყიდვის ობიექტის ტექნიკური და ხარისხობრივი მახასიათებლები განისაზღვრება დოკუმენტაციის დანართი N1-ით.

2.2 საქონლის მიწოდების ვადა და ადგილი

2.2.1 საქონლის მიწოდების ვადა:

საქონლის მიწოდების ვადაა ხელშეკრულების დადებიდან **არაუმეტეს 10 (ათი)** კალენდარული დღის განმავლობაში.

2.2.2 საქონლის მიწოდების ადგილი: ქ. თელავი, ალაზნის გამზ. N93.

2.3 წინადადების ღირებულება

2.3.1 შესყიდვის ღირებულება და პრეტენდენტის მიერ წარმოსადგენი (შესავსები) საქონლის ღირებულება განისაზღვრება დოკუმენტაციის დანართი №1-ის შესაბამისად.

2.3.2 პრეტენდენტი ელექტრონული ვაჭრობისას ელექტრონული პროცედურის წინადადების ფასის კლებას ახორციელებს ფასების ცხრილის სავარაუდო ღირებულებასთან მიმართებაში. საქონლის ერთეულის ღირებულებები, პოზიციების შესაბამისად პრეტენდენტის მიერ მითითებული უნდა იქნას ფასების ცხრილში (დანართი №1-ში) და მისი ჯამური ფასი არ უნდა აღემატებოდეს დანართი N1 დაფიქსირებულ ჯამურ ღირებულებებს.

2.3.3 შესყიდვის ობიექტის სავარაუდო ღირებულებაა - **16 200** ლარი დღგ-ს ჩათვლით.

2.3.4 ელექტრონული ვაჭრობის შედეგად ფასების ცხრილის სრულ ღირებულებაზე ფასების კლების შემთხვევაში, საქონლის ერთეულის ღირებულებებზე ფასების კლება განისაზღვრება პროპორციულად.

2.3.5 წინადადებაში საერთო და ერთეულის ღირებულება გამოსახული უნდა იყოს საქართველოს კანონმდებლობით გათვალისწინებული და გასაწევ მომსახურებასთან დაკავშირებული ყველა გადასახადისა და გადასახდელის ჩათვლით.

2.3.6 შესყიდვის ელექტრონული პროცედურის წინადადების საერთო და ერთეულის ღირებულების წარმოდგენა დასაშვებია მხოლოდ ლარში.

2.4 ანგარიშსწორების პირობები

2.4.1 ანგარიშსწორება განხორციელდება უნაღდო ანგარიშსწორების ფორმით ლარში, ფაქტიურად მიწოდებული საქონლის შესაბამისად.

2.4.2 ანგარიშსწორება მოხდება 2016 წლის საკუთარი შემოსავლებით.

2.4.3 ანგარიშსწორება განხორციელდება არაუმეტეს 20 (ოცი) სამუშაო დღის განმავლობაში, ხელშეკრულების შესაბამისად გაფორმებული მიღება-ჩაბარების აქტის, სასაქონლო ზედნადებისა და საგადასახადო ანგარიშ-ფაქტურის (დღგ-ს გადამხდელი მიმწოდებლის შემთხვევაში/ წარდგენის საფუძველზე).

2.4.4 წინასწარი ანგარიშსწორება არ გამოიყენება.

2.5 საგარანტიო პირობები და ვადები

საგარანტიო პირობების შესაბამისად მიმწოდებელი უზრუნველყოფს შემსყიდველის მოთხოვნიდან არაუგვიანეს 5 სამუშაო დღეში ხარვეზის/დეფექტის აღმოფხვრას. დეფექტის აღმოჩენის შემთხვევაში მიმწოდებელმა თავისი ხარჯით უნდა აღმოფხვრას ნებისმიერი (მიმწოდებლის მიერ შეკეთებული) სახის ხარვეზი.

2.5.1 საგარანტიო პერიოდში მიმწოდებელი ვალდებულია წუნდებული საქონლის (მათ შორის თანმდევი მომსახურების, ტრანსპორტირების და ა.შ.) შეცვლა ან შეკეთება განახორციელოს შემსყიდველის მიერ წერილობითი მოთხოვნიდან არაუმეტეს 5 (ხუთი) სამუშაო დღის ვადაში.

2.5.2 საგარანტიო ვადა (ექსპლუატაციის პირობებში) ექსპლუატაციაში შესვლიდან არანაკლებ 3 წელი. გარანტია არ ვრცელდება თუ დაზიანება გამოწვეულია დაუძლეველი ძალის ზეგავლენით ან სხვა დამოუკიდებელი მიზეზებით.

2.5.3 ხელშეკრულების შესრულების უზრუნველყოფის გარანტია არ გამოიყენება.

2.6 პრეტენდენტს არ აქვს უფლება წარმოადგინოს ალტერნატიული წინადადება.

2.7 პრეტენდენტის მიერ სისტემაში ასატვირთი დოკუმენტაცია

2.7.1 **დანართი №1** - ფასების ცხრილი.

2.7.2 **დანართი №2** - პრეტენდენტის რეკვიზიტები.

2.7.3 საქონლის ხარისხის დამადასტურებელი **სერტიფიკატი** (ქართულად ნათარგმნი).

2.7.4 შესყიდვის ელექტრონული პროცედურის **წინადადების უზრუნველყოფის გარანტია** შესყიდვის ობიექტის სავარაუდო ღირებულების 5%-ის ოდენობით (საბანკო, ან სადაზღვევო დაწესებულებიდან), რომლის მოქმედების ვადა უნდა იყოს არანაკლებ 120 კალენდარული დღე წინადადების მიღების დაწყების დღიდან (დანართი 3-ის შესაბამისად).

2.8 დამატებითი ინფორმაცია

2.8.1 იმ შემთხვევაში თუ დოკუმენტაციაში შესყიდვის ობიექტის ტექნიკური და ხარისხობრივი მაჩვენებლების აღწერისას გამოყენებული იქნება სასაქონლო ნიშანი, მოდელი, პატენტი ან მწარმოებელი კომპანია, ასეთ შემთხვევაში აღნიშნული ტერმინები გამოყენებული არის „მსგავსისა“ და „ექვივალენტურის“ მნიშვნელობით და პრეტენდენტი ვალდებულია წარმოადგინოს ტექნიკური დოკუმენტაციით განსაზღვრული შესყიდვის ობიექტის მსგავსი ან ექვივალენტური მახასიათებლების მქონე საქონელი/მომსახურება.

2.8.2 იმ შემთხვევაში თუ ფასების ცხრილით გათვალისწინებული კონკრეტული საქონელის რაოდენობა ამოიწურა, დამატებითი წერილობითი შეთანხმების გარეშე შესაძლებელია სახელშეკრულებო ღირებულების ფარგლებში და ერთეულის ფასებიდან გაუსვლელად შესყიდული იქნეს ფასების ცხრილით გათვალისწინებული სხვა ნებისმიერი დასახელების საქონელი.

3. ფასების ცხრილი

N	დასახელება	ტექნიკური მახასიათებლები	განზომილება	რაოდენობა	ერთეულის საგარაუდო ფასი	ჯამი	მწარმოებელი ქვეყანა, კომპანია
1	ელ.სადენი სიკ 4*16	თვითმზიდი სადენი, ნომინალური ძაბვა 0,6/1კვ, გამოსაცდელი ძაბვა 4კვ, სამუშაო ტემპერატურა: -60°C დან +50°C-მდე. სამონტაჟო ტემპერატურა არა უმცირეს -20°C. მაქსიმალური ტემპერატურები: სამუშაო რეჟიმში +90°C. მოკლე შერთვის დროს 5 წუთის ხანგრძლივობით +250°C. ღუნვის რადიუსი არა ნაკლები: 10XD კაბელის.	მეტრი	5000			
2	კაბელი სიკ 2*10	თვითმზიდი სადენი, ნომინალური ძაბვა 0,6/1კვ, გამოსაცდელი ძაბვა 4კვ, სამუშაო ტემპერატურა: -60°C დან +50°C-მდე. სამონტაჟო ტემპერატურა არა უმცირეს -20°C. მაქსიმალური ტემპერატურები: სამუშაო რეჟიმში +90°C. მოკლე შერთვის დროს 5 წუთის ხანგრძლივობით +250°C. ღუნვის რადიუსი არა ნაკლები: 10XD კაბელის.	მეტრი	5000			
სულ ჯამი							

(პასუხისმგებელი პირის თანამდებობა, სახელი გვარი)

ხელმოწერა

4. პრეტენდენტის რეკვიზიტები

პრეტენდენტის იურიდიული ფორმა და დასახელება:	
საიდენტიფიკაციო/ პირადი ნომერი	
ხელმძღვანელის სახელი და გვარი	
პრეტენდენტის იურიდიული /ფაქტიური მისამართი:	
პრეტენდენტის ოფისის ტელეფონის ნომერი	
საკონტაქტო მობილური ტელეფონის ნომერი	
ელექტრონული მისამართი	
ბანკის დასახელება	
ბანკის კოდი	
ანგარიშსწორების ანგარიში	

(პასუხისმგებელი პირის თანამდებობა, სახელი გვარი)

ხელმოწერა

ელექტრონული პროცედურის წინადადების უზრუნველყოფის გარანტია

იმის გათვალისწინებით, რომ ----- (შემდგომში „პრეტენდენტი“) (პირი, რომელზეც გაიცემა საგარანტიო წერილი) მზად არის წარმოადგინოს თავისი წინადადება ----- კომისიის (შემსყიდველი ორგანიზაციის დასახელება) მიერ ----- შესყიდვაზე გამოცხადებულ ელექტრონულ პროცედურაში (შესყიდვის ობიექტის დასახელება) მონაწილეობის მისაღებად, ჩვენ ----- (შემდგომში „ბანკი“) ვადასტურებთ, (ბანკის დასახელება) რომ ვიღებთ ვალდებულებას ----- (შემდგომში „შემსყიდველი“) (შემსყიდველი ორგანიზაციის დასახელება) წინაშე, რომლის მიხედვითაც დროულად და სრულად ვუზრუნველყოფთ შემსყიდველისათვის ----- გადახდას შემდეგ შემთხვევებში: (თანხა გამოსახული ციფრებით, სიტყვიერად, ვალუტის მითითებით)

1. თუ წინადადების წარდგენის შემდეგ პრეტენდენტმა უარი განაცხადა ელექტრონულ პროცედურაში მონაწილეობაზე, თავისი წინადადების მოქმედების ვადის დასრულებამდე;
2. თუ პრეტენდენტი გამარჯვების შემთხვევაში უარს განაცხადებს შემსყიდველთან „საქონლისა და მომსახურების შესყიდვების სპეციალური წესის“ საფუძველზე შესყიდვის შესახებ ხელშეკრულების დადებაზე;
3. თუ პრეტენდენტი დისკვალიფიცირებული იქნა შესყიდვის პროცედურების დროს არაკეთილსინდისიერი ქმედების ჩადენის გამო;

გარანტია ძალაში რჩება ----- მდე

გარანტიის მოქმედების ვადა უნდა იყოს არანაკლებ 120 დღე ელექტრონულ პროცედურაში წინადადების მიღების დაწყების დღიდან. ბანკი უზრუნველყოფს საგარანტიო თანხის გადახდას შემსყიდველის წერილობითი მოთხოვნის მიღებისთანავე, შემსყიდველის მხრიდან ყოველგვარი მტკიცებულების წარმოდგენის გარეშე, იმ პირობით, რომ შემსყიდველის მოთხოვნაში მითითებული იქნება რომელი ზემოაღნიშნული შემთხვევის (შემთხვევების) დადგომის გამო ეკუთვნის მას ეს თანხა და შემსყიდველის მოთხოვნა საგარანტიო თანხის გადახდაზე წარედგინება ბანკს გარანტიის მოქმედების ვადის დასრულებამდე.

----- (ხელმოწერა) 2016 წ.
(სახელი, გვარი, თანამდებობა) (თარიღი)